

四庫全書

史部

欽定四庫全書

史部

欽定續文獻通考卷五十九

編修<sub>臣</sub> 翟槐覆勘

總校官內閣中書<sub>臣</sub> 孫溶

欽定四庫全書

欽定續文獻通考卷五十七

職官考

殿前司

宋殿前司凡統制訓練番衛戍守遷補賞罰皆總其政

令

餘詳馬  
端臨考

哲宗元祐七年簽書樞密院王巖叟言祖宗以來三  
帥不曾闕兩人若殿帥闕難於從下超補姚麟係殿

前都虞候合升作步軍副都指揮使紹聖三年詔殿  
前指揮使金鎗弩手班龍旗直所減人額及排定班  
分並依元豐詔旨渡江後三衙軍制名稱不正孝宗  
乾道中洪邁嘗劄論之

劄子詳馬  
端臨考

淳熙以後捧日天

武左右四廂之職多虛而殿前職司有權管幹有時  
暫照管之號愈非乾道以前之比矣

以上補馬端臨所未載以備參考又有侍衛馬軍  
步軍兩司所設官屬如殿前司已詳前考中

遼北面侍衛司掌御帳親衛之事官有侍衛太師太保  
司徒司空及侍衛

所屬近侍局有近侍直長近侍近侍小底 近侍詳  
袞司有近侍詳袞都監將軍小將軍

北護衛府掌北院護衛之事官有北護衛太師太保司  
徒

所屬總領左右護衛司官有總領左右護衛左護衛  
司官有左護衛太保左護衛右護衛司官有右護衛

# 太保右護衛

南護衛府掌南院護衛之事官與北護衛同

所屬司官俱與北護衛同

惟左右護衛北曰  
總領南曰總理

又有奉宸司掌供奉宸御之事官名未詳 三班院

掌左右寄班之事官有左班都知右班都知寄班都

知三班院祇候 宿衛司專掌宿衛之事官有總宿

衛事

亦曰典  
宿衛事

總知宿衛事同掌宿衛事宿衛官

所屬  
禁衛

局有總禁衛  
事禁衛長

宿直司掌輪直官員宿直之事官有

宿直詳裒都監將軍小將軍宿直官宿直護衛 硬

寨司掌禁圍槍寨下鋪傳鈴之事官有硬寨太保

南面殿前都點檢司有都點檢副點檢同知都點檢

又點檢侍衛親軍馬步司設官同上

金殿前都點檢司

熙宗天眷元年置

掌親軍總領官有殿前都

點檢兼侍衛將軍都指揮使掌行從宿衛關防門禁督

攝隊仗總判司事殿前左右各副點檢兼侍衛將軍副

都指揮使掌宮掖及行從又有殿前都檢點判官

世宗大定

十二  
年設知事一人

所隸殿前左右衛將軍副將軍掌宮禁及行從宿衛  
警嚴仍總領護衛符寶郎四人掌御寶及金銀等  
牌左右宿直將軍八人掌總領親軍凡宮城諸門  
衛禁并行從宿衛之事左右振肅掌妃嬪出入總  
領護衛導從宮籍監有提點監副丞掌內外監戶  
及地土錢帛大小差發直長二人掌同丞近侍局  
詳內侍省 器物局有提點使副使掌進御器械鞍轡諸

物又有直長都監同監 尚廩局掌御馬調習牧養

以奉其事官有提點使副使

大定二十九年添副使一人管小馬羣 又

直長一人司馬牛羣都轄副轄 尚輦局掌承奉輿

輦等事有使副使又直長及典輿都轄收支都監

大定

二十  
年設

掌給受之事同監

章宗泰和  
四年設

鷹坊掌調養鷹

鵠海東青之類有提點使副使直長管勾 武庫署

掌收貯諸路常課甲仗有令丞直長 武器署有提

點令丞直長掌祭祀朝會巡幸及公卿婚葬鹵簿儀

仗旗鼓笛角之事有提點令丞直長又頓舍官二人  
元明俱不設殿前司

大都督府

宋寧宗開禧二年十一月以邱宗簽書樞密院事督視  
江淮軍馬

時值用兵或以簽樞督視或以元樞代之或以參知  
政事督視四川軍馬然皆未底績而罷

臣等謹按馬端臨考所載都督始於魏黃初三年

迄於宋紹熙三十二年今考宋史職官志以執政  
為督視自葉義問始非宰相而為都督則自楊存  
中始存中之代王之望為都督也之望辭同都督  
有曰朝廷於兩淮前以二大將為招撫使以二從  
臣為宣諭使憂其不相統攝則以宰相為都督欲  
事權歸一也此可以見朝廷開府之意凡簽廳文  
字並依尚書左右司樞密院檢詳房體式設屬諮  
議軍事參謀參議並依從官充書寫機宜文字幹

辦官準備差遣前後員數不一亦可補前考所未  
備故附錄之

遼南面遼陽大都督府太宗會同二年置

遼史百官志都督曷魯泊等關防遼陽東都

金不設大都督府

惟海陵南伐時置左右領軍  
大都督詳後都元帥府門

元大都督府管領左右欽察兩衛龍翊侍衛東路蒙古  
軍元帥府東路蒙古軍萬戶府哈喇婁萬戶府官有大  
都督三人同知二人副都督三人僉都督事二人經歷

都事各二人管勾照磨各一人

文宗天歷二年始立欽察親軍都督府後改大都督府

所屬右欽察衛置達魯噶齊一人都指揮使副使僉事經歷知事照磨各二人世祖至元二十三年依河西等衛例欽察衛設官十人英宗至治二年分為左右衛天歷二年撥隸大都督府置官如上其屬行軍千戶十八所

達魯噶齊各一人千戶三十六人  
百戶一百八十人彈壓十八人

屯田

十戶所二

達嚕噶齊各二人百戶二十人彈壓二人

門尉

二人

教官

三衛教授員數

建置俱詳諸

學校官門

右欽察衛置都指揮使三人副使僉事經歷知事各

二人照磨一人至治二年依阿蘇衛例分為兩衛設

官十人天歷二年撥隸大都督府定置官如上其屬

行軍千戶所十翼

千戶一人百戶八十二人彈壓九人與魯官四人

守城千

戶所一翼

達嚕噶齊千戶各一人百戶九人彈壓一人

屯田千戶所一翼

達嚕噶齊千戶各一人百戶十人彈壓一人

教官

龍翊侍衛親軍都指揮使司置都指揮使三人副指  
揮使僉事各三人經歷一人知事二人照磨一人天  
曆元年始立設官十四人二年又置愛滿知事一人  
又以左欽察衛唐吉失九千戶隸本衛定置官如上  
其屬行軍千戶所九翼

達嚕噶齊一人千戶六人副千戶一人百戶四十五人彈

壓五人

屯田一翼欽察千戶所

達嚕噶齊千戶各一人百戶二十二人彈壓二

人  
教官

哈喇婁萬戶府掌守禁門等處應直宿衛置達嚕噶

齊萬戶各一人經歷知事提控案牘鎮撫吏目各一人至元二十四年招集哈喇妻軍人立萬戶府尋移屯襄陽後征交趾成宗大德二年置司南陽天歷二年隸大都督府定置官如上其屬千戶所三翼

千戶三人

百戶九人  
彈壓三人

臣等謹按元史百官志大都督府領三衛三府而此所列者止有三衛一府別考都元帥府內有蒙古軍都元帥之名而不言領於大都督府又行樞

密院所屬內有蒙古軍都萬戶府之名但考大都督府天歷二年以後始置而蒙古軍都萬戶府乃置於至元二十一年至天歷時已改為山東河北蒙古軍大都督府必不為其所領矣元史官制繁冗於重見疊出中時有疎漏無從一求其源委也

明五軍都督府

中左右前後

掌軍旅之事各領其都司衛所

詳見各路將官門

以達於兵部每府官有左右都督

各一人

同知

僉事

各二人

恩功寄祿無定員

其屬經歷司經歷都事各一人

凡武職世官流官土官襲替優養優給所屬上之府  
移兵部請選既選移府以下之都司衛所首領官聽  
吏部選授給繇亦如之凡武官誥勅俸糧水陸步騎  
操練官舍旗役併試軍情聲息軍伍勾補邊腹地圖  
文冊屯糧器械舟車薪葦之事並移所司而綜理之  
凡各省各鎮鎮守總兵官副總兵並以三等真署都  
督及公侯伯充之有大征討則掛諸號將軍或大將

軍前將軍副將軍印總兵出既事納之其各府之掌

印及僉書率皆公侯伯

間有屬老將之寶為都督者不能十一也

初太祖罷樞密院改置大都督府以朱文正為大都

督節制中外諸軍事設司馬參軍經歷都事等官又

增設左右都督同知副使僉事照磨各一人并設斷

事官又以都鎮撫司隸大都督府

先是屬中書省

吳元年更

定官制罷大都督不設以左右都督為長官又有同

知都督副都督僉都督其屬設參議經歷斷事官都

事照磨洪武九年罷副都督改參議為掌判官十三

年始改都督府為五軍都督府分領在京各衛所

惟錦

衣等親軍直衛不隸五府

及在外各都司衛所以中軍都督府斷

事官為五軍斷事官十五年置五軍十衛參軍府設

左右參軍十七年五軍各設左右斷事二人提控案

牘一人三十二年升五軍斷事官總治五軍刑獄分

為五司司設稽仁稽義稽禮稽智稽信五人各理其

軍之刑獄二十九年置五軍照磨所專掌文牘惠帝

建文中革斷事及五司官成祖永樂元年設北京留守行後軍都督府置左右都督都督同知都督僉事無定員經歷都事各一人後又分五府稱行在五軍都督府十八年除行在字在應天者加南京字仁宗洪熙元年復稱行在仍設行後府宣宗宣德三年又革英宗正統六年復除行在字

南京五軍都督府左右都督同知僉事不全設其掌印僉書皆以勲爵及三等都督為之分掌南京衛所以達

於南京兵部

凡管領大教場及江上操備等事各府奉敕分掌之

城門之管鑰中府專掌之

初設城門郎洪武十八年革以門禁鎖鑰銅牌命中

軍都督府掌之

其屬經歷都事各一人

春明夢餘錄曰宋制軍旅屬於樞密院與中書省

並謂之兩府明以兵部掌兵政而統軍旅專征伐

則歸之五軍都督府兵部有出兵之令而無統兵

之權五軍有統兵之權而無出兵之令至將屬於五府而兵又總於京營合之則呼吸相通分之則犬牙相制

都元帥府

大將軍附

臣等謹按馬端臨考有元帥始於唐高祖迄於宋康王又有大將軍始於戰國而謂隋以後無之今考南渡以後瀛國公德祐二年衆奉益王昞為天下兵馬都元帥廣王昺副之猶渡江時之奉高宗

也而遼金元明俱有元帥府若大將軍則宋為環衛官可補端臨考所未備惟遼則有大將軍府馬宋環衛官有左右金吾衛上將軍大將軍將軍中郎將郎將

又有左右衛上將軍大將軍將軍中郎將郎將 左  
右驍衛上將軍大將軍將軍 左右武衛上將軍大  
將軍將軍 左右屯衛上將軍大將軍將軍 左右  
衛官軍衛上將軍大將軍將軍 左右監門衛上將

軍大將軍將軍 左右千牛衛上將軍大將軍將軍

中郎將郎將

宋史職官志曰諸衛上將軍大將軍將軍並為環衛官無定員皆命宗室為之亦為武臣之贈典大將軍以下又為武官責降散官政和中改武臣官制而環衛如故蓋雖有四十八階別無所領故也靖康元年詔以武安軍節度使錢景臻等為左金吾衛上將軍保信軍節度使劉敷等為右金吾衛

上將軍用御史中丞陳過庭言遵藝祖開寶初罷  
王彥超武行德等歸環衛故事也其禁兵分隸殿  
前及侍衛兩司所稱十二衛將軍皆空官無實中  
興多不除授隆興中始命學士洪遵等討論典故  
復置十六衛號環衛官其法節度使則領左右金  
吾衛上將軍承宣使則領左右衛上將軍在內則  
兼帶在外則不帶正任為上將軍遙郡為大將軍  
正親兄弟子孫試克又詔祖宗諸后自明肅至欽

慈諸后及后妃嬪御之家各具本宗堪充諸衛官  
以名銜聞又詔三衛郎為三衛侍郎又詔博士並  
差文官崇寧四年二月置五年正月罷

遼北面天下兵馬大元帥府太子親王總軍政有天下  
兵馬大元帥副元帥

又大元帥府大臣總軍馬之政有大元帥副元帥  
都元帥府大將總軍馬之事有兵馬都元帥副元帥  
同知元帥府事 便宜從事府有便宜從事 大詳

袁司有大詳袁都監將軍小將軍軍校隊帥 東西

兩都督各分掌軍馬之政俱有太師

南京都元帥府有都元帥大元帥

本南京兵馬都總管府興宗重熙四年改

互見都總管府

南京馬步軍侍衛控鶴都指揮使

詳指揮使門

燕京禁

軍詳袁司 南京都統軍司

又名燕京統軍司聖宗統和十二年復置南京

都統軍 牛欄都統領司有都統領副統領 距馬河

成長司有成長

聖宗開泰七年沿距馬河宋界東西七百餘里特置成長一人巡察

監軍寨統領司 石門統領司 南北兩皮室詳裒

司 莽噶拉詳裒司 管押平州甲馬司

以上南京諸司並隸元帥府備禦守國皆北面邊  
防官也

大將軍府有大將軍上將軍將軍小將軍各統所治軍  
之政令

又護軍司有護軍司徒 衛軍司有衛軍司徒 諸  
路兵馬統署司有都統署副統署

又左右北南四皮室詳袞司

初太祖以行營為宮選諸部豪健千餘人置為

腹心部太宗選天下精甲增多至三十萬為皮室軍

黃皮室軍詳袞司

黃皮室屬

國屬珊軍詳袞司

應天皇太后置軍二十萬選番漢精兵珍美如珊瑚故名

錫里軍詳袞司

統皇族之從軍者橫帳三父房屬焉

北王府錫里軍

詳袞司

五院皇族屬焉

南王府錫里軍詳袞司

六院皇族屬焉

禁軍都詳袞司

掌禁衛諸軍之事

各部族錫里司

掌各部族子弟

之軍政

郎君軍詳袞司

掌著帳郎君之軍事

伊喇軍詳袞司

走卒謂之伊喇

旗鼓伊喇詳袞司

掌旗鼓之事

千伊喇詳袞

司 莽噶拉詳哀司 墨離軍詳哀司 礮手軍詳

哀司

掌飛礮之事

弩手軍詳哀司

掌強弩之事

鐵林軍詳

哀司

大鷹軍詳哀司

鷹軍詳哀司

鵠軍詳哀

司

大小鵠軍即二室韋軍號

鳳軍詳哀司

龍軍詳哀司

飛

龍軍詳哀司

虎軍詳哀司

熊軍詳哀司

左鐵

鷄子軍詳哀司

右鐵鷄子軍詳哀司

龍衛軍詳

哀司

威勝軍詳哀司

天雲軍詳哀司

圖們軍

詳哀司

德喀勒軍詳哀司

德喀勒皮室詳哀司

華喇奚軍詳哀司 尼格奚軍詳哀司 渤海軍

詳哀司 鈕祐祿詳哀司 奚王南剋軍詳哀司

奚王北剋軍詳哀司 國舅帳剋軍 三剋軍 頻

必剋軍 九剋軍 諸紕並有剋官為長餘同詳哀司 十二行紕軍

各宮分紕軍 約尼紕軍 各部族紕軍 羣牧

二紕軍 諸紕並有司徒餘同詳哀司 怨軍八營都詳哀司 前宜營

後宜營 前錦營 後錦營 乾營 顯營 乾顯大營 巖州營八營皆以所募州名為號天作帝天

慶六年命泰晉王淳募遼東饑民得二萬餘人謂之怨軍及淳偕位改號常勝軍

以上皆百官志所謂北面軍官也

金都元帥府掌征伐之事官有都元帥左右副元帥元帥左右監軍左右都監經歷都事知事檢法各一人

太宗天會二年伐宋始置兵罷則省章宗泰和八年後改為樞密院

海陵正隆六年南伐立三道都統制府及左右領軍大都督將三十二總管有神策神威武勝武定威定威信等號泰和六年伐宋權設平南撫軍上將軍至

殄寇果毅都尉凡九階還罷宣宗元光間招義軍置  
總領使副使訓練官吏宗正大二年更總領名都尉  
有建威折衝振武盪寇等名

元都元帥府都元帥副元帥各二人經歷知事各一人

北庭

隸吐蕃宣慰司

察遜塔拉

都元帥三人

蒙古軍

征東

二府都元帥副元帥各一人

元帥府達魯噶齊元帥經歷知事各一人

李店文州

上一府增置同知副元帥各一人

都沁哈喇伊圖

朶

甘斯 當陽 岷州 積石州 洮州路 圖沙瑪

路 十八族

上八府隸吐蕃宣慰司設官並同

臣等謹按以上北庭都元帥府及都沁哈喇伊圖等八元帥府百官志並云隸吐蕃宣慰司而吐蕃宣慰一官不見於志未知何故也

分元帥府

順帝時置

至正八年以福建盜起詔汀漳二州立分元帥府以討捕之又命買列的開分元帥府於沂州以鎮禦東

海羣盜十一年湖南寶慶路及寶武各置分元帥府  
又置山東分元帥府於登州提調登萊寧海三十六  
處海口事十二年置安東安豐二處分元帥府二十  
六年又置河淮水軍元帥府於孟津縣

明諸翼統軍元帥府官有元帥同知元帥副使經歷知  
事照磨

初太祖下集慶時置尋罷

京衛

宋諸衛有上將軍

已詳大將軍門

大將軍將軍

遼南面各衛有大將軍上將軍將軍將軍折衝都尉果毅都

尉

諸衛有親衛勳衛翊衛左右衛左右驍衛左右武衛  
左右威衛左右領軍衛左右金吾衛左右監門衛左  
右千牛衛左右羽林軍左右龍虎軍左右神武軍左  
右神策軍左右神威軍

臣等謹按百官志北面有北面護衛府詳殿前司

南面侍衛親軍馬步軍都指揮使司等詳諸指揮使司故此不載

金武衛軍都指揮使司隸尚書兵部掌防衛都城警捕盜賊有都指揮使一人副都指揮使二人副都判官各一人

所屬鈴轄司掌管轄軍人防衛警捕之事有鈴轄四人都將軍二十人

其左右衛將軍領於殿前都點檢已詳殿前司

元右左中三衛掌宿衛扈從兼屯田國有大事則調度

之各有都指揮使三人

左衛都指揮使志作二人恐誤

副都指揮僉事

各二人經歷知事各二人照磨一人

初世祖中統三年置武衛至元元年改為侍衛八年

改為左右中三衛設有都指揮使僉事等官中增省

不一後定置如前

其屬各十有五有鎮撫所一

鎮撫二人

行軍千戶所十

達

噶齊副達噶齊千戶副千戶各十人

弩軍千戶所

一連嚕噶齊十戶各一人

屯田左右十戶所二連嚕噶齊

十戶各二人彈壓  
二人百戶四十人

教官一

蒙古字教授儒學教授各一人

前後二衛所掌與設官並同右左中三衛

前衛經歷志作一人亦恐

傳寫

之誤

至元十六年以侍衛親軍勅置十八年後增省不一  
至至大四年後定置如前

臣等謹按百官志前後二衛屬官大約與左右中

三衛同惟前衛所屬十有七較多門尉二

平則門順承門

尉各一人

後衛所屬十有四較少屯田千戶所一而已  
武衛親軍都指揮使司掌修治城隍及京師內外工役  
兼大都屯田等事官有達魯噶齊一人都指揮使三人  
副都指揮使僉事經歷知事各二人照磨一人

至元二十六年樞密院以六衛六千人大都屯田三  
千人近路迤南萬戶府一千人總一萬人立武衛設  
官累有增省至大三年定置如前

臣等謹按百官志武衛所屬官十有五所異於左

右中三衛者惟行軍千戶所七屯田千戶所六而  
無弩軍千戶所

隆鎮衛親軍都指揮使司掌屯軍徼巡盜賊於居庸關  
南北口統領欽察阿蘇護軍三千六百九十三人屯駐  
東西四十三處官有都指揮使三人副指揮使僉事經  
歷知事各二人承發兼照磨一人

仁宗皇慶元年升隆鎮萬戶府為隆鎮衛至治二年  
後定置如前

其屬十有二鎮撫所

鎮撫二人

北口千戶所

達魯噶齊千戶各一人百

戶七人於上都路龍慶州東口置司

南口千戶所

達魯噶齊千戶百戶彈壓各一人於大都

路昌平縣居庸關置司

白羊口千戶所

達魯噶齊千戶各一人百戶二人彈壓一人於

大都路昌平縣東口置司

牌樓口千戶所

達魯噶齊千戶百戶彈壓各一人於應州金城

縣東口置司

古北口千戶所

達魯噶齊千戶各一人百戶六人彈壓一人於檀州北面

東口置司

遷民鎮千戶所

官同古北口於大寧路東口置司

黃花鎮千戶

所官同上於昌平縣東口置司

蘆花嶺千戶所

官同於昌平縣本口置司

太

和嶺千戶所

官同上於大同路昌邑縣本隘置司

紫荆關千戶所

官同上於

易州易縣  
本監置司

隆鎮千戶所

達嚕噶齊千戶各一人百戶  
八人彈壓一人於隆慶州北

口置

司

左右阿蘇衛親軍都指揮使司掌宿衛城禁兼營潮湖  
蘇沽兩川屯田供給軍儲官有達嚕噶齊一人都指揮  
使三人副都指揮使僉事經歷知事各二人承發架閣  
照磨一人鎮撫二人

至元九年初立阿蘇巴圖魯達嚕噶齊置屬官二十  
三年遂名為阿蘇之軍至大二年改立左右二阿蘇

衛四年後定置如前

右衛所屬五

行軍千戶所千戶七人百戶九人  
門千戶二人百戶五人門尉一人  
本把

投下達嚕噶齊長官副長官各一人  
達嚕噶齊主簿各一人  
教官儒學教授一人  
廬江縣

左衛所屬四

本投下達嚕噶齊長官各二人  
縣達嚕噶齊二人主簿一人  
鎮巢  
園宿把

門千戶所一十三翼千戶二十六人百戶一百  
三十人彈壓一十三人  
教官儒學教授一人

唐古衛親軍都指揮使司總領河西軍三千人以備征  
討官有都指揮使三人副都指揮使僉事各二人經歷  
知事照磨各一人鎮撫二人鄂囉官正副各二人

至元十八年始立設官屢有增省後定置如上

所屬千戶所九翼

正千戶副千戶各九人百戶七十人彈壓九人鄂囉官正副各九

人門尉三

建德和義肅清各一

教官

儒學教授蒙古字教授各一人

桂齊衛親軍都指揮使司官有達嚕噶齊一人都指揮使副都指揮使僉事經歷知事各二人照磨一人鎮撫二人

至元二十四年立設官亦屢有增省後定置如上

所屬千戶所八翼

每所置達嚕噶齊一人千戶十六人百戶八十人彈壓八人門尉二

人

忠翊侍衛親軍都指揮使司官有都指揮使三人副都指揮使僉事經歷知事各二人照磨一人鎮撫二人

至元二十九年始立屯田府大德十一年增軍數立為大同等處指揮使司至大四年屬徽政院延祐元年改中都威衛使司尋改屬樞密院至治元年改忠翊侍衛後定置如前

所屬行軍千戶所一十翼

達嚕噶齊副達嚕噶齊千戶副千戶各十人百戶二

百六人彈壓二十人

弩軍千戶所一翼

達嚕噶齊千戶各一屯人百戶彈壓各十人

田左右手千戶所二翼

達嚕噶齊二人千戶二人百戶四十人彈壓四人

西域親軍都指揮使司官有達嚕噶齊一人都指揮使

副都指揮使僉事經歷知事各二人承發架閣兼照磨

一人鎮撫二人

成宗元貞元年始立設官增省不一後定置如上

所屬行軍千戶所

千戶一十三人百戶二十九人

把門

千戶二人百戶八人門尉

一教官

儒學教授一人

宗仁蒙古侍衛親軍都指揮使司官有都指揮使三人  
副都指揮使僉事經歷知事各二人照磨一人鎮撫二  
人

至治二年以伊奇喇斯人氏二百戶與所收蒙古子  
女通三千戶及清州二千戶屯田漢軍二千戶立宗  
仁衛以統之定置官如上

所屬蒙古軍千戶所一十翼千戶二十人百戶一百人彈壓十人屯田

千戶所千戶四人百戶四人教官儒學教授蒙古

左右二翼蒙古侍衛親軍都指揮使司官有都指揮使  
三人副都指揮使僉事經歷知事各二人承發架閣兼  
照磨一人鎮撫二人

至元十八年以蒙古侍衛總管府依五衛之例為指  
揮使司大德七年改今名延祐五年後定置如前

左翼所屬有千戶所七翼

正副千戶各七人知事彈壓各七人百戶六十二人

教官

蒙古字教授儒學教授各一人

右翼所屬有千戶所十二翼

正副

千戶各十二人知事彈壓

教官

蒙古字教授儒學教授各一人

虎賁親軍都指揮使司管領上都路元籍軍人兼鄂囉之事官有都指揮使三人副都指揮使僉事各二人經歷知事照磨兼管勾各一人鎮撫二人都目一人

至元十六年立虎賁軍元貞元年改今名至大四年

後定置官如上

所屬薩達克齊千戶翼

正達魯噶齊副達魯噶齊正千戶副千戶知事各一人百

戶二十人彈壓二人

布哈千戶翼

正達魯噶齊副達魯噶齊正千戶副千戶各一人百戶二

十二人彈壓二人

托克托穆爾千戶翼

正達魯噶齊副達魯噶齊正千戶副千戶

知事各一人百戶二  
十八人彈壓二人

大和塔拉千戶翼

正達魯噶齊  
副達魯噶齊

正千戶副千戶知事各一人  
百戶二十四人彈壓二人

楊千戶翼

正達魯噶齊  
副達魯噶齊

正千戶副千戶知事各一人  
百戶二十二人彈壓二人

密喇卜和卓千戶翼

正達

魯噶齊副達魯噶齊正千戶副千戶  
知事各一人百戶二十人彈壓二人

百官志以上各衛俱屬樞密院

明京衛指揮使司官有指揮使一人同知二人僉事四  
人鎮撫司鎮撫二人

其屬經歷司經歷知事吏目倉大使副使各一人所

轄千戶所多寡各不等

京衛有上直衛有南北京衛各有掌印有僉書其以恩蔭寄祿無定員

凡上直衛親軍指揮使司二十有六曰錦衣衛曰旗

手衛曰金吾前衛曰金吾後衛曰羽林左衛曰羽林

右衛曰府軍衛曰府軍左衛曰府軍右衛曰府軍前

衛曰府軍後衛曰虎賁左衛

是為上十二衛  
洪武中置

曰金吾左

衛曰金吾右衛曰羽林前衛曰燕山左衛曰燕山右

衛曰燕山前衛曰大興左衛曰濟陽衛曰濟州衛曰

通州衛

是為上十衛  
永樂中置

曰騰驤左衛曰騰驤右衛曰武

驤左衛曰武驤右衛

宣德八年置

番上宿衛名親軍以護

宮禁不隸五都督府

其京衛隸都督者三十有三曰留守左衛曰鎮南衛

曰驍騎右衛曰龍虎衛曰瀋陽左衛曰瀋陽右衛隸

左軍都督府曰留守右衛曰虎賁右衛曰武德衛隸

右軍都督府曰留守中衛曰神策衛曰應天衛曰和

陽衛乃牧馬千戶所蕃馬千戶所俱隸中軍都督府  
曰留守前衛曰龍驤衛曰豹韜衛隸前軍都督府曰  
留守後衛曰鷹揚衛曰興武衛曰大寧中衛曰大寧  
前衛曰會州衛曰富峪衛曰寬河衛曰神武左衛曰  
忠義右衛曰忠義前衛曰忠義後衛曰義勇右衛曰  
義勇前衛曰義勇後衛曰武成中衛曰蔚州左衛隸  
後軍都督府

又京衛非親軍而不隸都督府者十有五曰武功中

衛曰武功左衛曰武功右衛

以上三衛以  
匠故隸工部

曰永清左

衛曰永清右衛曰彭城衛曰長陵衛曰獻陵衛曰景

陵衛曰裕陵衛曰茂陵衛曰泰陵衛曰康陵衛曰永

陵衛曰昭陵衛

明初置帳前總制親軍都指揮使司後改置金吾侍

衛親軍都護府設都護經歷知事照磨又置各衛親

軍指揮使司設指揮使同知指揮使副使經歷知事

照磨千戶所正千戶副千戶鎮撫百戶因置武德龍

驤豹韜飛熊威武廣武興武英武鷹揚驍騎神武雄  
武鳳翔天策振武宣武羽林十七衛親軍指揮使司  
此設親軍衛之始尋罷金吾侍衛親軍都護府洪武  
永樂間增設親軍諸衛名上二十二衛分掌宿衛而  
錦衣衛主巡察緝捕理詔獄以都督指揮領之蓋特  
異於諸衛焉

留守五衛舊為都鎮撫司總領禁衛先屬中書省改  
隸大都督府設都鎮撫副鎮撫知事尋改宿衛鎮撫

司設宿衛鎮撫宿衛知事洪武三年改為留守衛指揮使司專領軍馬守禦各城門及巡警皇城與城垣造作之事後升為留守都衛統轄天策豹韜飛熊鷹揚江陰廣洋橫海龍江水軍左右十衛八年復為留守衛與天策等八衛俱為親軍指揮使司

惟水軍左右二衛為

指揮使司

並隸大都督府十一年改為留守中衛增置留

守左右前後四衛仍為親軍十三年始分隸五都督

府

錦衣衛掌侍衛緝捕刑獄之事恒以勲戚都督領之恩  
廕寄祿無常員

凡朝會巡幸則具鹵簿儀仗率大漢將軍

共一千五百七員

等侍從扈行宿衛則分番入直朝日夕月耕藉視牲  
則服飛魚服佩繡春刀侍左右盜賊奸宄街塗溝洫  
密緝而時省之凡承制鞠獄錄囚勘事偕三法司五  
軍官舍比試併鎗同兵部蒞視統所凡十有七中左  
右前後五所領軍士五所分鑾輿擎蓋扇手旌節旛

幢班劍斧鉞戈戟弓矢馴馬十司各領將軍校尉以備法駕上中上左上右上前上後中後六親軍所分領將軍力士軍匠馴象所領象奴養象以供朝會陳列駕輦馱寶之事

明初置拱衛司管領校尉屬都督府後改拱衛指揮使司尋又改為都尉司洪武三年改為清軍都尉府管左右中前後五衛軍士而設儀鸞司隸焉四年儀鸞司設大使一人副使二人十五年罷儀鸞司改置

錦衣衛其屬有御椅等七人設經歷司掌文移出入  
鎮撫司掌本衛刑名兼理軍匠二十年以治錦衣衛  
者多非法凌虐乃焚刑具出繫囚送刑部審錄詔內  
外獄咸歸三法司罷錦衣獄成祖時復置尋增北鎮  
撫司專治詔獄憲宗成化間刻印畀之獄成得專達  
不關白錦衣錦衣亦不得干預而以舊所設為南鎮  
撫司專理軍匠旗手衛本旗手千戶所洪武十八年  
改置掌大駕金鼓旗纛帥力士隨駕宿衛

校尉力士  
僉民間壯

丁為之校尉專職擎執鹵簿儀仗及駕前宣召官員  
差遣幹辦隸錦衣衛力士專領金鼓旗幟隨駕出入  
及守衛四門  
隸旗手衛 凡歲祭旗頭六纛之神八月於壇十二

月於承天門外皆衛官蒞事統所五

春明夢餘錄曰錦衣衛與在京諸衛即唐人十六  
衛之遺制凡諸衛親軍皆以番直宿衛執戈戟嚴  
巡警監門禁而錦衣所掌者乃鹵簿儀仗之事旗  
手所司者乃旗纛金鼓之物諸衛皆統軍卒而錦  
衣獨領校尉力士即周之虎賁旅賁也諸軍皆世

卒而府軍獨僉幼軍即漢之六郡良家子也諸衛  
正倅一惟其世獨錦衣之任則不以世而以能蓋  
御座則夾陛而立御輦則扶轅以行出警而入蹕  
承旨而傳宣皆在所司而詔獄所寄則尤重矣自  
正統後貴妃尚主公侯中貴子弟多寄祿衛中遞  
進用事至正德間奄宦擅權貴倅子弟以奏帶冒  
銜錦衣者尤多嘉靖初從給事夏言等奏革二千  
一百九十九人裁汰未幾濫受如故至隆慶四年

復汰冒濫官旗一千一百十五人然邊功之冒報  
內侍之傳奉勲戚之陳乞相襲以為故事至以寄  
廢錦衣加銜五府者尤比比此明政之一蠹也

又曰隆慶中刑科給事中舒化奏朝廷設立廠衛  
原以捕盜防奸非以察百官也駕馭百官乃天子  
之權而奏劾諸司責在臺諫今以暗訪之權歸諸  
廠衛萬一人非正直事出冤誣是非顛倒殃及善  
良陛下何由知之且朝廷既憑廠衛廠衛必委之

番役此輩貪殘何所不至人心憂危衆目睚眦非  
盛世所宜有也命付所司知之

府軍前衛掌統領幼軍輪番帶刀侍衛

明初有帶刀舍人洪武時府軍等衛皆有習技幼軍  
永樂十三年為皇太孫特選幼軍置府軍前衛設官

屬

指揮使五人同知十人僉事二十人衛鎮撫十人經歷五人

統所二十有五

金吾羽林等十九衛掌守衛巡警統所凡一百有二  
騰驤等四衛掌帥力士直駕隨駕統所三十有二

京營三曰五軍營曰神機營曰三千營五軍神機各設中軍左右哨左右掖五軍三千各設五司每營俱選勲

臣二人提督之其諸營管哨掖官曰坐營曰坐司

各哨掖官

亦率以勲臣為之

又設把總把司把牌等官

又有圓子手幼官舍人彈忠勦義諸

營俱附五軍營中

永樂二十二年置三大營景帝景泰元年選三營精

銳立十團營蒞以總兵統以總督監以內臣其舊設

者號為老營

三老營凡六提督內選其二領團營

成化三年分團營為

十二每營又各分五軍三千統騎兵神機統火器其  
各營統領俱擇都督都指揮或列爵克之以總督統  
轄之武宗正德中又選團營精銳置東西兩官廳另  
設總兵參將統領世宗嘉靖二十九年仍并三大營  
改三千曰神樞設副參遊佐坐營號頭中軍千把總

等官

五軍營戰兵一營左副將一戰兵二營練勇參  
將一車兵三營參將一車兵四營游擊將軍一

城守五營佐擊將軍一戰兵六營右副將一戰兵七  
營練勇參將一車兵八營參將一車兵九營遊擊將  
軍一城守十營佐擊將軍一備兵坐營官一大號頭  
官一已上部推監餉號頭官一中軍官十一隨征千

總四隨營千總二十選鋒把總八把總一百三十八  
已上俱營推神匣營戰兵一營左副將一戰兵二  
營練勇參將一車兵三營參將一車兵四營遊擊將  
軍一城守五營佐擊將軍一戰兵六營右副將一車  
兵七營練勇參將一執事八營參將一城守九營佐  
擊將軍一城守十營佐擊將軍一備兵坐營官一大  
號頭官一已上部推監鎗號頭官一中軍官十一千  
總二十選鋒把總六把總一百五十七已上俱營推  
神機營戰兵一營左副將一戰兵二營練勇參將  
一車兵三營遊擊將軍一車兵四營佐擊將軍一城  
守五營佐擊將軍一戰兵六營右副將一車兵七營  
練勇參將一城守八營佐擊將軍一城守九營佐擊  
將軍一城守十營佐擊將軍一備兵坐營官一大號  
頭官一已上部推監鎗號頭官一中軍官十一千總  
二十選鋒把總六把總一百二十八已上  
俱營推通計三大營共五百八十六人  
統以提督

總兵官一人已改提督曰總督鑄總督京營戎政印  
更設侍郎一人協理京營戎政定巡視科道官歲一  
代更悉革內侍官增設巡視主事尋亦革穆宗隆慶  
初仍以總督為提督改協理為閱視尋併改閱視為  
提督四年二月更京營制三營各設提督又各設右  
都御史一人提督之九月罷六提督仍復總督戎政  
一人熹宗天啟初增設協理一人已仍革一人莊烈  
帝崇禎初復增一人

南京以守備及參贊機務官為要職掌南都一切留守防護之事有守備一人以公侯伯充之兼領中軍都督府事協同守備一人以侯伯都督充之領五府事參贊機務以南京兵部尚書領之其治所在中府

永樂十九年遷都北京命中府掌府事官守備南京節制南京諸衛所洪熙元年始以內臣同守備景泰三年增設協同守備一人

南京衛指揮使司

設官詳  
京衛

凡四十有九

分隸五都督府者三十有二曰留守左衛曰鎮南衛  
曰水軍左衛曰驍騎右衛曰龍虎衛曰龍虎左衛曰  
英武衛曰龍江右衛曰瀋陽左衛曰瀋陽右衛隸左  
府曰留守右衛曰虎賁右衛曰水軍右衛曰武德衛  
曰廣武衛隸右府曰留守中衛曰神策衛曰廣洋衛  
曰廣天衛曰和陽衛及牧馬千戶所隸中府曰留守  
前衛曰龍江左衛曰龍驤衛曰飛熊衛曰天策衛曰  
豹韜衛曰豹韜左衛隸前府曰留守後衛曰橫海衛

曰鷹揚衛曰興武衛曰江陰衛隸後府

又親軍衛指揮使司十有七曰金吾前衛曰金吾後衛曰金吾左衛曰金吾右衛曰羽林左衛曰羽林右衛曰羽林前衛曰府軍衛曰府軍左衛曰府軍右衛曰府軍後衛曰虎賁左衛曰錦衣衛曰旗手衛曰江淮衛曰濟州衛曰孝陵衛興左府所屬十衛右府所屬五衛前府所屬七衛後府所屬五衛並聽中府節制各衛領所一百一十有八



欽定續文獻通考卷五十七

欽定四庫全書

欽定續文獻通考卷五十八

職官考

太后及中宮諸官屬

臣等謹按太后及中宮諸官馬端臨考無其名明  
亦未嘗設也而遼金史志俱有臚載元代官屬更  
繁當錄之以備考覈故增設於東宮官屬之前  
遼北面北護衛府官有皇太后宮左右護衛

皇太后宮有宿直等官

皇太后皇太妃帳皆有著帳諸局及著帳戶司等官

俱詳見內侍省門

又皇太后祇應司官有領皇太后諸局事知皇太后宮諸司事皇太妃祇應司皇后祇應司近位祇應司應天皇太后長寧宮承天皇太后崇德宮各有行宮都部署司

遼史營衛志曰以上兩宮又各有提轄錫林斡里

摩里德里等

金太后兩宮官屬有衛尉副衛尉左右典禁奉令奉丞  
太僕副僕又門衛典寶謁者各二人閣正丞食官令丞  
官令丞醫令丞飲官令丞主藏副主藏主廩副主廩

哀宗正大元年置

皇后位下女職司閨掌宮內諸事并給散宮人俸給食  
料秉儀丞儀各一人掌左右給事宣傳啓奏經籍紙筆  
之事直閣司丞各一人掌帳幕床褥輿轎洒掃鋪陳薪

炭燈燭之事秉衣奉衣各一人掌首飾衣服器玩諸寶財貨裁製黹綵之事掌饌奉饌各一人掌飲食湯藥酒醴蔬果之事

依隆慶宮所設人數衛紹王大安元年定

衛尉司官有中衛尉掌總宮中事務副尉左右常侍掌

周護導從儀仗之事

常侍官護衛三十人同東宮奉引八十人傘子四人俱同控鶴執旗

二人同儀鸞

其屬給事局使副使又內謁者兼司寶二人

內直充奉閣十

人同東宮入殿實達爾閣  
直二十人同宮闈局內直

掖庭局令丞俱內直充掌皇

后宮事務

宮令

宮苑司儀  
驚局兼

食官

尚食局兼

飲官

尚醞

署

醫官

尚藥局太醫院兼

主藏

內藏典給署兼

主廩

太倉兼

元中政院掌中宮財賦營造供給并番衛之士湯沐之  
邑官有院使七人同知簽院同簽院判各二人

成宗元貞二年始置中御府大德四年升中政院武  
宗至大四年併入典內院仁宗皇慶二年復為中政  
院設官如舊其幕屬司儀長史各二人照磨兼管勾

承發架閣一人

所屬中瑞司掌奉寶冊有卿五人丞典簿各二人

內正司掌百工營繕之役地產孳畜之儲以供膳服

備賜予有卿四人少卿丞典簿各二人照磨兼管勾

一人凡歲賦之額工作之程歲終則會其數以達焉

領署二提領所一

尚工署掌營繕雜作之役凡百工名數興造程式與其材物皆經度

而責其成功有令丞等官皇慶元年置其所隸玉列赤局掌裁製縫紵之事有提領大使副使直長等官延祐六年置贊儀署掌車輿器備雜造之事有提領大使副使直長等官皇慶二年置

管領

六盤山等處齊哩克昆民匠都提舉司

至大四年置國初未有官

署賦無所稽後遣使覈實始著為籍設司以領之

官有達魯噶齊都提舉各

一人同提舉副提舉各二人知事提控案牘各一人

延祐二年以民匠提舉司所領地里濶遠人戶散處於政不便乃酌遠近衆寡立奉元等路長官司凡五處提領所凡十處各有長官司副長官提領副提領以分理之互見長官司門

翊正司掌

齊哩克昆民匠五千餘戶歲辦錢糧造作以供公上

官有令五人丞四人典簿二人照磨一人

世祖至元三十一年

始置御位下管領隨路民匠打捕鷹房奈曼等戶總管府復隸正官位下延祐六年改翊正司歲終會其

出納以達於院而糾其弊

領提舉司二

一為管領上都等處諸色人匠一為管領隨路打捕

鷹房奈曼等戶各有達魯噶齊等官俱元貞元年置

提領所一

管領歸德亳州等處管民提領

所有提領等官成

宗天德二年置

典飲局掌醞造酒醴以供內府

及祭祀宴享賓客賜頒之給有大使副使各二人

初置

嘉醞局隸家令至大二年改典飲兩都分置皇慶元年撥隸中官

管領大都等路

打捕民匠等戶總管府掌錢糧造作之事有達魯噶

齊總管同知副總管經歷知事提控案牘照磨各一

人國初平定河南諸郡收聚人戶一萬五千有奇置官管領至元八年屬有司二十年改隸中尚監二

十六年始  
置總管府

領提舉司十有一

在京二涿州保定等九路各設達魯噶齊等官

提舉所二十有五

大都等路及東安濟寧等處各設提領等官

管領諸

路打捕鷹房民匠等戶總管府掌錢糧造作之事有

達魯噶齊總管同知各一人副總管二人經歷三人

知事提控案牘照磨各一人

大德三年置元貞元年撥隸中官位下

領

提舉司四

大都冀寧等路各設達魯噶齊等官

提領所十有一

大都保定等處

各設提領等官

江浙等處財賦都總管府掌江南沒入貲

產課其所賦以供內儲有達魯噶齊都總管同知副

總管經歷知事照磨提控案牘各一人

至大元年置

領提

舉司三

平江松江建康各設連嚕噶齊等官

庫局各一

豐盈庫掌收本府錢帛有提領

等官

織染局掌織染歲造緞疋有局使一人

管領種田打捕鷹房民匠

等戶萬戶府掌歸德亳州永宿二十餘城各蒙古漢軍種

田戶差稅有萬戶經歷知事提控案牘各一人

世祖中統

二年置初隸塔齊爾王位下其後改屬中官

其屬十

管領大名等處種田諸色戶總管府管

領大都河間等路打捕鷹房總管府管領東平路管民官各有總管等官管領本投下大都等處諸

色戶計有達嚕噶齊等官管領大名等路宣撫司燕京路管民千戶所各有提領等官管領曹州

等處本投下民戶管領東明等處本投下戶計  
管領蒲城等處本投下諸色戶計管領汴梁等處  
本投下種田打捕驛戶四提領所  
各有提領等官俱中統二年置

海西遼東哈斯

罕等處鷹房諸色人匠齊哩克昆萬戶府掌錢糧造  
作之事有達嚕噶齊萬戶副萬戶經歷知事提控案  
牘兼照磨各一人管領哈斯罕等處肇州朶因溫都  
兒諸色人匠仍領鎮撫司一鎮撫  
千人所十有一各

達嚕噶  
齊等官

遼陽等處金銀鐵冶都提舉司掌辦金銀

甜鐵等課

初分納中書省及中政院後以其賦盡歸中官

有都提舉同提舉

副提舉提控案牘各一人 管領本位下齊哩克昆

隨路諸色民匠打捕鷹房都總管府掌齊哩克昆二

萬九千戶田萬五千餘頃出賦以備供奉營繕之事

中統二年置大德十年隸詹事院至大三年隸徽  
政院延祐三年改善政司文宗天歷三年復立府官

有達魯噶齊都總管同知副總管各一人首領官經

歷知事照磨各一人 管領諸路打捕鷹房民匠等

戶總管府有達魯噶齊總管同知副總管經歷知事

提控案牘照磨各一人

大德三年置

其屬

大都等路提舉司四各有達魯

噶齊等官大都保定等提領  
所十有一各有提領等官

寶昌庫掌受金銀砵

鐵之課以待諸運提領大使各一人 金銀場提領

所七各設提領同提領副提領各一人 鐵冶管勾

所二各設管勾同管勾副管勾各二人 奉宸庫掌

中藏寶貨錢帛給納之事有提點四人副使二人提

控案牘一人 大德元年置 廣禧庫掌收支御膳野物職

視生料庫有達嚕噶齊提舉大使各一副使二人提

控案牘一人 大德八年置

徽政院掌太后位下錢糧選法工役

初至元十九年立詹事院三十一年太子裕宗薨乃以院之錢糧選法工役悉歸太后位下改為徽政院以掌之泰定帝泰定元年罷立詹事如前

所屬有掌謁司卿少卿各四人丞典簿各二人

至元三十

一年改詹事院所屬典寶署為掌謁司設官如之

甄用監掌供須文成藏

珍三庫出納之事有卿三人太監少監丞各二人經

歷知事照磨各一人

至大元年設

延福司掌供帳及扈

從蓋造之人有令丞各四人典簿二人照磨一人

大德

十一年置後併入羣牧監內

章慶使司有使四人副使司丞經

歷都事各二人照磨管勾各一人

至大三年立

奉徽庫

掌內府供給有提點大使各二人副使四人

英宗至治三年

罷併入文成等庫

壽和署署令四人署丞六人

舊隸儀鳳司皇慶元

年改隸徽政院遂為章慶使司之屬

上都掌設署署令五人署丞二

人至大四

掌醫監領監官達魯噶齊各一人卿四

人太卿太監各五人少監六人丞二人

至元三十年改典醫署為

掌醫署至大元年  
升監設官如上

修合司藥正司掌修合御用藥

餌有達嚕噶齊一人副使直長各二人 行篋司藥

局掌供奉御用藥餌有達嚕噶齊一人使副使各二

人 廣濟提舉司掌修合藥餌以濟貧民有達嚕噶

齊提舉同提舉副提舉各一人 羣牧監掌中宮位

下孳畜卿三人太卿少卿監丞各二人 至大四  
年立 掌

儀署掌戶口房舍等令丞各二人 至元二十年立  
詹事院三十一年

改隸徽政院恭定  
元年改典設署

上都掌儀署令丞各一人所掌

同上 江西財賦提舉司掌事產戶口錢糧造作等

事有達嚕噶齊提舉同提舉副提舉各一人

至元二十七年

立 織染局局使副使局副相副官各一人 桑落

娥眉洲管民提領所提領副提領各一人 封郭等

洲管民提領所提領副提領各一人 龍興打捕提

領所提領副提領各一人 鄂州等處民戶水陸事

產提舉司掌太子位下江南園囿地土莊宅人戶有

達嚕噶齊提舉同提舉副提舉各一人

至元二十一年  
年立隸詹事

後改隸  
徽政

瑞州上高縣戶計長官司領本處戶八千

有達嚕噶齊長官副長官各一人

臣等謹按元史百官志徽政院第附見於儲政院之下以上各官乃至元三十一年改詹事院為徽政院時所置也其後定為儲政院則此之甄用監即彼之典用監此之掌醫監即彼之典醫監而其餘官職略同官名互異者槩可知矣

內宰司內宰六人司丞四人典簿二人照磨一人

至元三十一年既立徽政院改家令為內宰司泰定元年復為家令司天歷元年罷未幾復立二年罷復改內宰司

所屬典膳署掌內府飲膳之事令丞各二人

至元十九年立

隸家令司三十一年改掌膳隸內宰泰定元年復改為典膳署所隸洪濟鎮提領三人掌辦納雁隻

柴炭局有提領大使副使各一人

至元二十年以東宮位下民一百戶

燒炭二月軍一百人採薪二月供內府藏用立局以主其出納俱受詹事院劉大德十一年隸徽政院

藏珍文成供須三庫分掌金銀珠玉寶貨緞匹絲

棉皮氊鞍轡等物俱設提點大使副使各二人提

舉備用庫掌出納田賦財賦差發課程一切錢糧規

運等事有達魯噶齊提舉大使提控案牘各一人

元至元

二十一年置

嘉醞局有提點大使副使各二人

至元十七年立掌飲

局天歷二年改為嘉醞局

西山煤窑場提領大使各一人副使

二人

至元二十四年置領馬安山大峪寺石灰煤窑辦課奉皇太后位下

保定等路

打捕提領所提領四人

至元十一年收集人戶為打捕戶計及招到管緝銀差發

稅糧等戶

廣平彰德課麥提領所

至元三十年以二路渡江時駐

立提點所

驛之地召民種佃遂立所置官以統之

廣惠庫大使副使各一人

至元

三十年以鈔本五千定立庫放典牧息納於備用庫內

豐裕倉掌收貯中宮

位下糯米有提領等官

至治二年設

備物庫掌造作顏

料及雜器等物庫官四人

大德十一年置

隆福宮左右都威衛使司使各三人副使食事左右各二人經歷知事照磨左右各一人

至元十六年以侍衛親軍一萬戶撥屬東宮立侍衛都指揮使司三十一年改隆福宮左都威衛使司隸

中宮至大三年選造作軍士八百人立千戶所一百

戶翼八以領之而分局造作延祐二年置教授二至

治三年罷軍匠千戶所所屬六

鎮撫司一行軍千戶所一屯田千戶所二

弩軍千戶所一資食倉一有鎮撫千戶大使等官

中統三年以世祖五投下特默齊立總管府二十一

年改隆福宮右都威衛使司延祐二年置儒學教授

一人四年增蒙古字教授一人所屬八

鎮撫司一行軍所五屯田

千戶所一廣貯倉一有

鎮撫千戶大使等官

長信寺領大鄂爾多齊哩克昆諸事卿四人少卿寺丞各二人又經歷知事各一人

大德五年置至大四年卿五人增少卿一人以官者為之延祐七年省寺卿少卿各一人定置如上

所屬諸色人匠提舉司領大都上都二鐵局并齊哩克昆人匠以材木鐵炭皮貨諸色備鄂爾多各枝房帳之需有達魯噶齊提舉副提舉各一人

至元二十五年置其

大都上都二鐵局各掌鄂爾多上下往來造作裝釘房車各有大使副使等官

長秋寺掌武宗五幹耳朶戶口錢糧營繕諸事寺卿五  
人少卿寺丞各二人又經歷知事各一人

皇慶二年置

所屬諸色人匠提舉司二一掌正官造作之役達魯  
噶齊同提舉副提舉各一人一掌領武宗軍上北來  
人匠達魯噶齊提舉同提舉副提舉各一人

至大元年置是

年鄂爾多三位下撥到人匠五百九十三  
戶始置提舉司隸中政院後屬長信寺

承徽寺掌達爾瑪實哩皇后位下錢糧營繕等事寺卿

五人少卿寺丞各二人經歷知事各一人

至治元年置

所屬諸色人匠提舉司二各設達魯噶齊提舉同提

舉副提舉各一人

至治三年置

長寧寺掌英宗蘇克巴拉皇后位下戶口錢糧營繕等事寺卿六人少卿寺丞各二人經歷知事各一人

長慶寺掌成宗鄂爾多及常歲管辦禾失房子行幸集賽台人等衣糧之事寺卿六人少卿二人寺丞經歷知

事各一人

泰定元年置

寧徽寺隸班布爾實皇后位下寺卿六人少卿四人丞

二人經歷知事各一人

天歷二年置

延徽寺

順帝至元六年二月置

依累朝故事起蓋伊埒哲伯皇帝

鄂爾多置延徽寺以掌之

徽政院

順帝元統元年十二月置

依太皇太后故事為皇太后置徽

政院設立官屬三百六十有六人

資正院

至元六年十二月置

為鄂勒哲呼圖克皇后置資正院

使六人同知食院同食院判各二人首領官經歷都事

管勾照磨各一人

將昭功萬戶府屬除已罷繕工司外集慶路錢糧并入有司每年驗數撥

付資正院領之自後正宮皇后崩冊  
立完者呼圖克為皇后改置崇政院

目  
等謹按百官志又有管領大都等路打捕鷹房

膳粉人戶總管府

至元二十九年立大德十一年  
撥隸皇太后位下有達魯噶齊

等官  
管領諸路齊哩克昆民匠都總管府

至元七  
年立十

四年以所隸戶口善造作屬中官十六年立織染  
雜造二局以司造作立提領所以司徭役延祐六  
年改繕用司七年後改府有達魯噶齊等官其屬  
附見者河間伊都等處管民提領所二十各有提  
領等官又織染局雜造局弘州衣錦院豐州毛子  
局緡山毛子旋局廣備庫各有大使副使等官徐  
邱提舉司有提舉  
等官隸徽政院  
隨路諸色民匠打捕鷹房都

總管府

總四鄂爾多位下戶計民匠造作之事有達魯噶齊等官至元二十四年置官吏不

入常調凡鄂爾多之事復置四總管以分掌之

管領保定等路阿哈塔

密爾諸色人匠總管府

至元十七年置掌太祖大鄂爾多一切事務有達魯

噶齊等官

管領打捕鷹房民匠達魯噶齊總管府

至元

二十一年置掌二皇后鄂爾多位下歲賜財物造作等事有達魯噶齊等官

管領隨

路諸色民匠打捕鷹房等戶總管府

大德二年置掌太祖鄂爾

多四季行營一切事務有達魯噶齊等官

管領隨路打捕鷹房諸色

民匠齊哩克昆總管府

延祐五年置掌太祖四皇后位下四季行營并歲賜

造作之事有達  
噶噶齊等官

齊哩克昆諸色民匠達噶噶齊

并管領上都奈曼提舉司

掌造只鄂爾多位下齊哩克昆諸色民匠及歲

賜錢糧等事有達噶噶齊等官

管領大都上都諸色工匠奈曼

戶提舉司

至元十七年置掌鄂爾多位下歲賜等事有達噶噶齊等官

皆在中

政徽政兩院所屬之外者也附錄之以備考

東官官屬

宋理宗景定元年立皇太子以賈似道為少師

朱熠皮龍榮沈炎並兼太子賓客楊棟兼太子詹事

又置翊善贊讀等官

以上據宋史職官志按理宗紀是年四月進似道少師依前右丞相兼樞密使六月立忠王禔為皇太子楊棟葉夢鼎並詹事七月似道兼太子少師是似道為兼官而詹事又有葉夢鼎三年十月以楊棟簽書樞密院事兼權叅知政事葉夢鼎端明殿學士同簽書樞密院事並兼太子賓客志則不載紀志小異如此

遼北面皇太子惕隱司掌皇太子宫帳之事官有皇太子惕隱

又有皇太子祗應司

皇太子亦有著帳戶司

詳內侍省門

南面東宮三師府官有太子太師太傅太保少師少傅少保

太子賓客院官有太子賓客詹事院官有太子詹事少詹事詹事丞主簿司直司官有太子司直

左春坊官有太子左庶子中允司議郎左諭德左贊善大夫

文學館有崇文館學士直學士太子校書郎司經局有太子洗馬文學校書郎正字典設局有典設郎官門局有官門郎

右春坊官有太子右庶子中舍人舍人右諭德右贊善大夫通事舍人

太子家令寺有太子家令丞主簿率更寺有太子率

更令丞主簿太子僕寺有太子僕丞主簿

太子左右衛率府左右司禦率府左右清道率府左右  
監門率府左右內率府各有左右太子率等官

金宮師府掌保護東宮道以德義官有太子太師太傅  
太保少師少傅少保

海陵天德四年始定制宮師府三師三少詹事院詹  
事三寺十率府皆隸焉左右諭德為東宮僚屬

詹事院掌總統東宮內外庶務官有太子詹事少詹

事

左右衛率府掌周衛導從儀仗左右監門掌門衛禁  
鑰僕正副僕僕丞掌車馬廐牧弓箭鞍轡器物等事  
掌寶二人掌奉寶謹其出入典儀贊儀司贊禮儀侍  
正侍丞掌冠帶衣服左右給使之事典食令丞承奉  
膳羞侍藥奉藥承奉醫藥掌飲令丞承奉賜茶及酒  
果之事家令家丞掌營繕栽植鋪設及燈燭之事司  
經正副掌經史圖籍筆硯等事司藏副掌庫藏財貨

出入之事司倉副掌倉庫出納薪炭等事中侍局都  
監同監掌東閣內之禁令省察宮人廩賜給納諸物  
輶侍人等

左右諭德左右贊善掌贊諭道德侍從文章又有內  
直郎

元詹事院備左右輔翼皇太子之任官有左右詹事各  
一人副詹事詹事丞院判各二人別置官臣賓客二人  
左右諭德左右贊善各一人校書郎二人中庶子中允

各一人

至元十九年立三十一年以院之錢糧選法工役悉歸太后位下改為徽政院大德九年復立詹事院至大四年至泰定元年罷立不一天歷二年改為儲政院

所屬典牧監掌孳畜之事有卿太監少監丞各二人  
經歷知事照磨各一人

天歷二年置

儲膳司掌皇太子

飲膳之事有卿四人少卿丞主事各二人照磨一人

典寶監卿太監少監丞各二人經歷知事各一人

至元十九年立典寶署  
大德十一年改為監

臣等謹按百官志以上各官俱係詹事院司屬其實典牧監即徽政院之羣牧監典寶監即徽政院之掌謁司若儲膳司則又與儲政院家令司所掌略同蓋三院改設不常故官同而名異如此

儲政院設院使六人同知僉院同僉院判司議長史照磨管勾各二人

欽定四庫全書

卷五十八

十九

所屬家令司掌太子飲膳供帳倉庫家令家丞典簿

各二人照磨一人

至元二十年置三十一年改內宰司隸徽政院泰定元年復為家令

司

典幄署掌太子供帳令丞各二人府正司掌

鞍轡弓矢等物府正府丞典簿各二人照磨一人

至元

二十年置三十一年改官政司嗣後罷立不常

資武庫掌軍器提點大使

各一人

冀用庫掌鞍轡官同上

延慶司掌修建

佛事使二人同知一人副使典簿各二人照磨一人

至元二十一年立三十一年隸徽政院大德十一年立詹事院別立延慶司泰定元年仍隸本院事務

典用監掌供須文成藏珍三庫內府供給緞疋寶

貨等物卿四人太監少監丞各二人經歷知事照磨

各一人

至元元年立天歷二年隸內宰司

典醫監領東宮太醫修

合供進藥餌有達嚕噶齊太監少監丞各二人經歷

知事各一人

至元十九年置典醫署三十一年改掌醫署大德十一年立為監所屬廣濟提

舉司掌修合藥餌以施貧民行典藥局掌供奉東宮藥餌典藥局掌修製東宮藥餌各有達嚕噶齊等官

臣等謹按百官志諸總管府內有隸儲政院為管

領齊哩克昆諸色民匠都總管府

至大三年立天歷元年隸儲政

院有達嚕噶齊等官其屬大都工部及雜造人匠  
三提舉司各有達嚕噶齊等典製局典設署雜造  
局有大使副使  
令丞院長等  
汴梁等路管民總管府  
元貞元年  
立掌各屯

田戶差發子粒有達嚕噶齊等官隸徽政院泰定  
元年改隸詹事院後隸儲政院其屬常盈庫有大  
使副使提領所八管佃提  
領十二各有提領等官  
又隨路諸色人匠都總

管府所屬之雙線局大小木局畫油局大都上都  
兩鄂囉提領所上都異樣毛子局羶局斜皮局隆  
興等路雜造鞍子局並受詹事院劄已詳總管府

門

衛候直都指揮使司

至元二十年以控鶴一百三十五人隸府正司三十年隸家令司三

十一年增控鶴六十五人立衛候司以領之

兼掌東宮儀從金銀器物置衛

候一人副衛候二人及儀從庫百戶

大德十一年復增懷孟從行控鶴五

百尋升都指揮使司

至治四年以控鶴六百三十人歸中宮位下泰定四

年復立司有達魯噶齊佩三珠虎符都指揮使佩三

珠虎符副指揮使佩雙珠虎符各二人又知事提控

案牘各一人

所屬百戶所凡六每所置百戶二人儀從庫大使二人副使一人

左衛率府官有率使三人副使僉事各二人經歷知事照磨各一人

至大元年撥江南行省萬戶府精銳漢軍為東宮衛軍立衛率府設官十一人延祐四年改為中翊府又改為御臨親軍指揮司又以御臨非古典改為羽林六年復隸東宮仍為左衛率府定置如上所屬十有

八鎮撫所一行軍千戶所十營軍千戶所一屯田千戶所三各有鎮撫達魯噶齊千戶百戶彈壓等官  
教官三有蒙古字及儒學陰陽各教授一人

右衛率府官有率使副使僉事經歷知事各二人照磨一人

延祐五年以薩勒奇諾爾迤東女直右翼屯田四萬府兵合為右衛率府置官十二人後定置如上其屬  
七鎮撫所一千戶所五教官一有鎮撫千戶百戶彈壓教授等官

東宮官屬有皇太子宮傳官

順帝至正六年四月立皇太子宫傳府以昌吉等為  
宮傳官時太子猶未受冊寶九年冬立端本堂為皇  
太子學官置諭德一人贊善文學正字司經各二人  
十三年六月冊立皇太子定置皇太子賓客二人左  
右諭德贊善各一人文學二人中庶子中允各一人  
是月旋罷宮傳府立詹事院置詹事三人同知詹事  
副詹事詹事丞各二人首領官四人中儀長史各二  
人管勾照磨各一人其屬五

家令司家令四人家丞  
典簿各二人照磨一人

府正司府正府丞典簿各二人照磨一人儀衛  
司指揮副各二人知事一人十一月置典藏庫掌  
收皇太子錢帛十七年十月置分詹事院詹事同知副使各  
一人丞二人又經歷都事各二人照磨兼架閣一人  
斷事二人知事一人二十七年八月命皇太子總天  
下軍馬九月皇太子置大撫軍院知院四人同知二  
人副使同僉各一人首領官經歷都事各二人照磨  
兼管勾一人二十八年閏七月詔罷之

明太子太師太傅太保掌以道德輔導太子而謹護翼

之太子少師少傅少保掌奉太子以觀三公之道德而教諭焉太子賓客掌侍太子贊相禮儀規誨過失皆東宮大臣無定員

洪武元年太祖有事親征慮太子監國別設官僚或生嫌隙乃以朝臣兼官職李善長兼太子太師徐達兼太子少傅常遇春兼太子少保治書侍御史文原吉范顯祖兼太子賓客三年禮部尚書陶凱請選人專任東宮官罷兼領庶於輔導有所責成帝諭以江

充之事可為明監立法兼領非無謂也由是東宮師傳止為兼官加官及贈官惟永樂間成祖幸北京以姚廣孝專為太子少師留輔太子自是以後終明世皆為虛銜於太子輔導之職無與也

詹事府詹事一人少詹事府丞各二人主簿廳主簿一人錄事通事舍人各二人

詹事掌統府坊局之政事以輔導太子少詹事佐之凡入侍太子以坊局翰林官番直進講尚書春秋資

治通鑑大學衍義貞觀政要諸書前期纂輯成章進御然後赴文華殿講讀講讀畢率其僚屬以朝廷所處分軍國重事及撫諭諸番恩義陳說於太子凡朝賀必先奏朝廷乃具啓本以進凡府僚及坊局官與翰林院職互相兼試士修書皆與焉通事舍人典東宮朝謁辭見之禮承令勞問之事凡廷臣朝賀進箋進春進歷於太子則引入而舉案

左右春坊大學士左右庶子左右諭德各一人左右中

允左右贊善左右司直郎各二人左右清紀郎一人

不常

設左右司諫二人

亦不常設

春坊大學士掌太子上奏請下啓箋及講讀之事皆審慎而監省之庶子諭德中允贊善各奉其職以從凡東宮監國撫軍出狩及朝會出入覆啓畫諾必審署以移詹事諸祥眚必啓告內外庶政可為規鑒者隨事而贊諭伶人僕御有改變新聲導逢非禮者則陳古義申典制糾正而請斥遠之司直清紀郎掌彈

劾宮僚糾舉政事文華殿講讀畢諸臣班退有獨留  
奏事及私謁者則共糾之司諫掌箴誨鑒戒以拾遺  
補過凡有啓事於東宮與司直清紀執筆紀令旨規  
正其譌謬者

司經局洗馬一人校書正字各二人

洗馬掌經史子集制典圖書刊輯之事立正本副本  
貯本以備進覽凡天下圖冊上東宮者皆受而藏之  
校書正字掌繕寫裝潢詮其訛謬而調其音切以佐

洗馬

先是洪武初置大本堂充古今圖籍其中召四方名儒訓導太子親王諸儒專經面授分番夜直已而太子居文華堂諸儒迭班侍從又選才俊之士入充伴讀時時賜宴賦詩商榷古今評論文學是時東宮官屬自太子少師少傅少保賓客外則有左右詹事同知詹事院事副詹事詹事丞左右率府使同知左右率府事左右率府副使諭德贊善大夫皆以勲舊大

臣領其職又有文學中舍正字侍正洗馬庶子及贊  
讀等官十五年更定左右春坊各置庶子諭德中允  
贊善司直郎又各設大學士尋定司經局設洗馬校  
書正字二十二年以官聯無統始置詹事院為府定  
詹事春坊大學士司經局洗馬雖各有印而事總於  
詹事府二十九年增設左右春坊清紀郎司諫通事  
舍人惠帝建文中增少卿寺丞各一人賓客二人又  
置資德院資德一人資善二人其屬贊讀贊書著作

郎各二人掌典籍各一人成祖復舊制英宗初命大學士提調講讀官

明史職官志曰按詹事府多由他官兼掌天順以前或尚書侍郎都御史成化以後率以禮部尚書侍郎由翰林出身者兼掌之其協理無常員春坊大學士景泰間倪謙劉定之而後僅楊廷和一任之後不復設其司直司諫清紀郎亦不常置惟嘉靖十八年以陸深為詹事崔銑為少詹事王教羅

洪先華察等為諭德贊善洗馬皇甫孝唐順之等  
為司直司諫皆天下名儒自明初宋濂諸人後宮  
僚莫盛於此嗣是出閣講讀每點別員本府坊局  
僅為翰林官遷轉之階

南京詹事府主簿一人

諸王官屬

臣等謹按馬端臨考東宮官後載太孫官屬而諸  
王官屬闕焉今從王圻例增輯並考宋史職官志

補錄之

宋親王府官有傳長史司馬諮議叅軍友記室叅軍王府教授小學教授

傳及長史司馬有其官而未嘗除太宗太平興國八年諸王出閣楚王府置諮議叅軍二人翊善一人陳王府置諮議翊善各一人韓王冀王益王置翊善各一人後又置記室及諸王府侍講一人並以常叅官兼充

其後多不置諮議翊善記室或止一人

真宗大中祥符九年仁宗

初封壽春郡王置友二人亦以常叅官兼充天禧二  
年進封昇王友遷諮議仍置記室一人又皇姪皇孫

侍教南北伴讀無定數

至道初太宗以皇親子孫就講學欲置侍講之職中書言

按唐太宗改諸王侍讀為奉諸王講讀今皇孫皇姪皆環衛之職請以教授為名從之選京朝官通經者充其後又令王府記室翊善侍講分兼南北宅教授大中祥符三年又有侍教之名自是南北院或有侍

讀凡諸官皆有教授初無定員是年英宗以宗室自

率府副率以上八百餘人奉朝請者四百餘人而教官纔六人乃詔增置教授官凡皇族年三十已上者

百一十三人置講書四人年二十已上者百十三人  
置講書四人年十五已上者三百九人增置教授五  
人年十四以下者別置小學教授十二人并舊六為  
二十七人以分教之其子弟不率教俾教授官本位  
尊長具名申大宗正司量行戒責教授官不職大宗  
正司密訪以聞舊制親賢宅置講書高宗紹興十二  
年改為府教授掌教親賢宅南班宗子孝宗淳熙十  
二年詔建魏惠憲王府置小學教授二人以館職兼

充掌訓皇孫既長趨朝謁則不以小學名而講習如故自後皇姪皇孫皆置教授

遼北面有親王祇應司

親王國官制未詳有王府近侍祇候

王子院掌王子各帳之事官有王子太師太保司徒司空其屬有王子班郎君

臣等謹按百官志大東丹國中臺省官有左右大相左右次相太祖天顯元年置景宗乾亨元年省

又親王亦有著帳戶司

詳內侍  
省門

南面王傳府官有王傳

親王內史府官有內史長史參軍其屬有諸王文學館教授伴讀

金親王府屬官有傳掌師範輔導參議可否若親王在外亦兼本京節鎮有同知府尉本府長史

章宗明昌三年改掌警嚴侍從兼總統本府之事司馬同檢校門禁總統府事文學二人掌贊導禮義資

廣學問記室參軍掌表箋書啓之事

世宗大定七年八月始置二十

年不專除令文學兼之

元昭功萬戶都總使司官有都總使二人同知一人副使二人又經歷知事照磨各一人

至順二年立凡文宗潛邸扈從之人皆領於是府

其屬官相都總管府達魯噶齊二人都總管一人副

達魯噶齊同知副總管各一人又經歷知事提控案

牘各一人

至順二年罷官相府并鶴駁司改齊哩克昆錢糧總管府為本府

織染

雜造人匠都總管府達嚕噶齊總管同知各一人副

總管二人又經歷知事提控案牘照磨各一人

至元二十

年為管領織染緞疋匠人設總管府元貞二年以營繕浩繁事務冗滯升為都總管府隸徽政院天歷元年改隸儲慶使司三年改屬官相所屬有織染綾錦紋錦中山真定弘州蓐摩哩納奇實六局各有大使副使等大名織染雜造兩提舉司有提舉副提舉等供用庫各有大使副使

管領諸路

打捕鷹房奈曼等戶總管府掌人匠一萬三千有奇

歲辦稅糧皮貨採捕野物鷹鷄以供內府有達嚕噶

齊都總管同知治中府判各一人又經歷知事提控

案牘各一人

至元十二年賜東宮位下隸詹事三十一  
年隸徽政至大四年隸崇祥院天歷

元年隸儲慶使司至順元年改屬官相府所屬諸路  
大使司一提領所二十有二各有提領副提領廣行  
庫管領滑山炭  
場所各有大使

繕工司掌人匠營造之事卿少卿

丞各二人又經歷知事照磨兼提控案牘管勾承發

架閣各一人

天歷二年置所屬金玉珠翠大都織染  
雜造三提舉司有達魯噶齊提舉等官

昌庫有大  
使副使

臣等謹按百官志又有管領本投下大都等路齊

哩克昆民匠總管府

中統元年立掌戶口錢帛差  
發等事至元九年撥隸安西

王位下皇慶元年又屬公主皇后位下延祐元年  
改隸章慶司天歷二年又改隸儲政院達魯噶齊  
總管俱受朝旨同知副總管則受安西王令旨其  
所屬之管民管地五提領所受本府劄而織染提  
舉司除同提舉而外  
隨路打捕鷹房諸色民匠總  
亦受安西王令旨焉

管府

至元二十二年置掌北安王位下  
歲賜錢糧之事有達魯噶齊等官

所掌亦諸

王位下之事應附見於此至於兵部所隸之管領

隨路打捕鷹房民匠總管府

初隸實喇大王  
位下後歸朝廷

管領

本投下大都路打捕鷹房諸色人匠都總管府

掌哈

織大王  
位下事管領本位下打捕鷹房民匠等戶都總管

府

掌色辰於定王位下事

工部所隸之隨路諸色民匠都總

管府

掌仁宗潛邸人匠

已詳見兵工兩部茲不復贅

內史府官有內史九人中尉六人司馬四人諮議記室各二人又有照磨兼管勾承發架閣庫

至元二十九年封晉王於太祖四鄂爾多之地改王傳為內史置官十四員延祐五年給印分司京師并分置官屬

其屬延慶司掌王府祈禳之事使三人同知二人典

簿一人

至元二十七年置

斷事官掌王府詞訟之事官一

十有六人又經歷知事各一人

典軍司掌控鶴百

二十有六人典軍副使各二人

大德四年置

諸王傳官庫春布哈太子至齊王位下凡四十五王每位下各設王傳傳尉司馬三人

傳尉惟庫春布哈額布根鄂羅木烏遜三王有之自此以下皆稱府尉別於王傳之下司馬之上而三員並設又多寡不同或少至一人或多至三人者齊王

則又獨設王傳一人

明王府長史司官有左右長史各一人

其屬有典簿一人所轄審理所審理正副各一人典膳所典膳正副各一人奉祠所奉祠正副典樂各一人典寶所典寶正副各一人紀善所紀善二人良醫所良醫正副各一人典儀所典儀正副各一人工正所工正工副各一人

以上各所副官世宗嘉靖四十四年並革

伴讀四人

教授無定員引禮舍人三人倉大使副使各一人庫

大使副使各一人

倉庫副使  
後俱革

郡王府教授典膳各一

人鎮國將軍教授一人

長史掌王府之政令輔相規諷以匡王失率府僚各  
供乃事而總其庶務焉凡請名請封請婚請恩澤及  
陳謝進獻表啓書疏長史為王奏上若王有過則詰  
長史曾經過犯之人毋得選用是職審理掌推按刑  
獄禁詰橫暴無干國紀典膳掌祭祀賓客王若妃之  
膳羞奉祠掌祭祀樂舞典寶掌王寶符牌紀善掌諷

導禮法開諭古誼及國家恩義大節以詔王善良醫  
掌醫典儀掌陳儀式工正掌繕造修葺宮邸廨舍伴  
讀掌侍從起居陳設經史教授掌以德義迪王校勘  
經籍凡宗室年十歲以上入宗學教授與紀善為之  
師引禮掌接對賓客贊相威儀

洪武三年置王相府左右相左右傳參軍府參軍各  
一人錄事二人紀善一人各以其品秩列朝官之次  
又置典籤司諮議官尋以王府武相皆勲臣令居文

相上王相府官屬仍與朝官更互除授是年置王府  
教授九年改參軍為長史罷王傳府及典籤司諮議  
官增設伴讀四人選老成明經慎行之士任之侍讀  
四人收掌文籍少則缺之十三年并罷王相府置左  
右長史典簿各一人定王府孳牲所倉庫等官俱為  
雜職二十八年置靖江王府諮議所諮議記室教授  
各一人惠帝建文中增置親王賓輔二人伴讀伴講  
伴書各一人長史三人郡王賓友二人教授一人記

室二人直史左右直史吏目各一人典印典祠典禮  
典饌典藥五署官各一人典儀引禮舍人各二人儀  
仗司吏目一人其賓輔三伴賓友教授進見時侍坐  
稱名而不稱臣禮如賓師成祖初復舊制改靖江王  
府諮議所為長史司神宗萬厯間周府設宗正一人  
後各府亦漸置郡王府增設教授一人

王府護衛指揮使司設官如京衛王府儀衛司儀衛正  
一人儀衛副二人典仗六人

儀衛掌侍衛儀仗護衛掌防禦非常護衛王邸有征調則聽命於朝明初諸王府置護軍府洪武三年置儀衛司司設正副各一人司仗六人四年改司仗為典仗五年置親王護衛指揮使司每王府設三護衛衛設前後左右中五所所千戶二人百戶十人又設圍子手二所每所千戶一人九年罷護軍府建文中改儀衛司為儀仗司增置吏目一人成祖初復舊制

駙馬都尉府

明儀賓附

臣等謹按馬端臨考奉車駙馬騎三都尉載於大將軍官屬下今考自宋以後奉車都尉歷代皆不設其上騎都尉騎都尉則為武臣勲官而駙馬都尉皆如前代之制惟尚主者為之故改叙於諸王官屬之次并考宋寧宗以後見於帝紀者補入焉宋理宗景定二年十一月詔駙馬都尉楊鎮家合有賞典進封有差

時下嫁周國公主於楊鎮以鎮為宣州觀察使賜王

帶尋升慶遠軍承宣使詔楊蕃孫官兩轉楊鐸楊鑑  
官一轉並直祕閣餘轉官進封有差焉

遼北面駙馬都尉府官有駙馬都尉掌公主帳宅之事

臣等謹按百官志有大國舅司掌國舅伊蘇濟勒

巴哩二帳之事太祖天顯十年合皇太后二帳為

國舅司聖宗開泰三年又并二司為一帳官有伊

蘇濟勒國舅太翁帳小翁帳常袞巴哩國舅大父

帳少父帳常袞國舅太師太保太尉司徒司空其

屬有敝史又有太翁小翁大父少父各帳詳衮司

有國舅詳衮都監  
本族將軍小將軍

國舅左右伊勒希巴及敝史國

舅帳尅又國舅別部世宗置官制未詳考列朝並  
未設官惟遼有之故附載於此

金有諸駙馬都尉

熙宗天眷三年八月初定公主郡縣主及駙馬官品  
元有諸駙馬

元制非勲臣世族及封國之君莫得尚主是以世聯

戚畹者親視諸王

明駙馬都尉位在伯上凡尚大長公主長公主公主並  
曰駙馬都尉其尚郡主縣主郡君縣君鄉君者並曰儀  
賓歲祿各有差皆不得與政事

明初駙馬都尉有典兵出鎮及掌府部事者建文時  
梅殷為鎮守淮安總兵官李堅為左副將軍成祖時  
李讓掌北京行部事仁宗時沐昕宣宗時宋琥並守  
備南京英宗時趙輝掌南京左府事其餘惟奉祀孝

陵攝行廟祭署宗人府事往往受命一充其任若恩親侯李貞永春侯王寧京山侯崔元以恩澤封侯非制也

又洪武七年公主府設家令司丞錄事各一人二十三年改家令司為中使司以內使為之

目等謹按公主府殆為未下嫁時設也故應附見於此若所云中使當屬宦官耳

欽定續文獻通考卷五十八